

瓊山縣志卷之十五

金石

懷沙亭碑

存高五尺濶二尺許正書字大寸許書跋差小

陳獻章啟病寄邱園老去惟有歲月耳足下何稽異之歌詞況於書札玩好往往使人喪志足下反爲之增價邪感忤感忤細葛二端專使千里老朽何德以堪之從事言足下發此書特履任後一二日也足下修古循良之政以及海濱之民是在足下周憲長平生故人何由復見之李世卿卽日還武昌今少留白沙此紙託世卿爲書訃終言不能悉宏治丁巳二月十二日孤哀子陳獻章稽顙海北汪大人足下

瓊山縣志

卷十五

金石

右書乃白沙陳先生所惠者廷貞公寓海外瓊郡過僮一遊載酒堂旣而兀坐便覺岑寂忽使自舶來持先生此書拜覽喜甚超然不知寄萬里一身於炎荒瘴海也豈但賢於十部從事邪適立沿海諸場社學以教俊秀因小英偶築一亭名曰懷沙錄書刻石蓋志不忘先生教愛且使海外之人共仰先生純德卓行有以感慕興起其於世教豈小補也哉脫爲燕游詩酒之場謀利計功之學以徇乎流俗固非名亭仰高自勵之心抑非區區之所望於吾人也或曰先生淳古之士非子敢希若然是誠自暴棄而終不可以語道矣又竊以自釋石首西所汪廷貞謹書

察宏治十年廷貞爲鹽課提舉常作詩寄陳文恭公故
白沙全集有寄汪提舉二札皆詩簡往來與論詩耳卷見
之又有真汪海北文有脩古日新懷沙匪堪之句則江
提舉建亭取名懷沙公已知之惟此書文集不載是當
時編錄所遺其二云昇之歌詞亦與前二札同意汪以其
書刻石示人仰慕文恭無爲謀利急功之俗學意深切
矣後之學者其知所法哉碑今在小英邨樂古書院去
郡城西十里

重建東嶽廟記

高二尺濶一尺五寸二十二行每行四十
八字

賜從一品服丙戌進士奉勅提督軍務奉政大夫廣

西按察司僉事前監察御史致仕郡人李珊撰文

瓊山縣志

卷十五

金石

二

奉政大夫太平府同知李昌書丹 賜進士四川道監

察御史海澄篆額

出郡城之東郊元妙觀之東上北街邨之西上舊有東
嶽廟肇建至元守臣阿普年久湮廢基址空存我皇
明天順壬午分巡憲副鄺公董而新之刻石以記其端
未不二十年日就風雨毀頓憑附之資丹青之色暗昧
不主無以稱明靈垣牆四傾堂階頽落牛羊入庭草木蒙
翳居民商賈不來祭享宏治癸丑春衛揮使張公詡以
將家子延世賞少游於庠而崇詩書禮樂之化巋然厚
重仁知之聲聞於上司遂推掌衛政一日過而見之歎
曰廟宇之不治守土者之責國家之禮天地言神不

失其常惠天之人不失其和神既不受人胡以寧今三府諸公不以謫爲愚命守茲土撫一衛內外十一所之衆蒞三州十縣之人民雖祀事係於有司吾亦守土者不爲國成罰其奚辭於是置簿書命致仕百戶黃銳者老劉敏募衆集財而新之來告於先妣王太宜人卽捐金以爲之倡將而遍宦家富室多寡惟其所願羅而積之得若干縉公命費堅久之木於廉之永安召工匠而興造焉害荒穢除榛莽築垣墉闢舊地始於癸丑之三月至甲寅秋九月落成公乃請予偕太守張公桓及僚屬將校士吏往視之以敘而賀崇梁大棟巍焉煥焉栱桷椳題美輪美奐神明像貌金碧增輝香爐什物亦熙

完具高其閤闔壯其門閭偉哉觀也厥工旣具公乃具石來徵言爲記嗚呼守土之職貴乎知所重焉所重者何嚴祀事也愛人民也祀事旣嚴則風雨以時百穀用登而神得其享人得其安烏得不重之乎公能如此可謂知所重矣然外之重本乎內之所重也輕乎內而求重乎外無是理也惟公之端謹信實祇事神祇重吾敬也持廉秉公節用愛人重吾仁也敦尚儒學捐貲贖習重吾誠也率仁與敬誠而興功濟物何施不可耶由是外而城郭溝池以爲固而外戶可以不閉關隘守禦有所禁而邊塵爲之不驚軍士咸懷地方寧謐何莫不自吾內之所重來也哉余因其請敢以公之德之績并書

於此使將來者見之知所勵焉凡出助之名氏可次第
勒諸碑陰俾勸於今而垂後是爲之記

弘治十二年歲次己未九月重陽日立 鐫字人李校
案碑文有張詡百戶黃銳府縣志俱無其名書丹李昌
景泰七年舉人題名碑作李生後改昌

案記中言玄妙觀卽三清觀在今玉皇廟後東嶽廟今
廢以其地考之北街村西上今爲三元宮是其廟故址
無疑

仰止祠記佚

祠以仰止者莆陽宋先生取小車壘篇辭之義名予庠
先賢祠也將以勸懲後學傳道而濟世焉祠在先聖廟

瓊山縣志

卷十五

金石

四

儀門之東故規不隳宏治庚申春太守石公中立來刺
於斯乃葺而大之清嚴整潔高明有容歲冬先生試於
是邦翼日謁廟訖升講堂環齋舍庫廩而視之閱先賢
之在祀者召教官諸生而告之曰國家設庠校以教育
人材建鄉賢祠以激勵風化忠孝教之本化之源也本
之不造於治化何考之載籍宋祥興間安撫張公應科
帥兵取雷州戰不利死之宋祚訖安撫使趙公與瑤義
不附元竟死於敵其風可尚也胡爲而闕祀若雲某者
仕於宋宋亡仕於元非義也胡爲而列諸祀宜規正之
以崇祀典衆皆唯唯命是聽遂黜其所不當祀而進
其所當祀者教本以明治道以樹祀嚴矣先生事竣而

歸教官輩合辭請於石公以紀其實公命以文屬予仰
惟朝廷簡憲臣董學政冀其崇文化敦教本以還太平
之治先生以故家文獻之傳爲世大儒德行文學輝然
綽然令人且仰且慕非飽飫經史表二公之行節孰得
而傳之嗚呼文庠不振教化淪湮郡邑之所教不考其
德行道藝之規而士之所學又皆詞章之工科舉之習
使人見利而不見義禮讓之化不行風俗之弊斯極先
生爲是舉也殆欲成就我後學移易我風俗古道庶幾
其復興乎若夫顧其名誦其辭思先生提獎之意翕然
以忠孝爲心脩經濟之業成王佐之器人應風雲嗣蹤
前芳嘉謀善政效於當時危言抗論之不諱而富貴之

言不能誘也否則見危授命立功顯名臨大節而不可
奪而保全之說不能惑也謝事而歸於其鄉教人以孝
弟忠信文章可傳德行可述而沒世不稱之謂不能加
也如此庶不負國家作養之意不負先生期待之功則
其利溥矣何人才之不感風教之不興乎謹錄其事冀
諸石以詔其後若夫先賢之名氏事蹟詳於實錄茲不
贅是爲之記

賜從一品服進士出身奉敕提督軍務廣西按察司僉
事前監察御史瓊山李珊撰 時宏治十三年冬月
崇祠創建於督學宋端儀因學址舊有東坡澹菴祠久
廢乃於儀門之東建之曰仰止至宏治十三年石太守

始增大之其勒石正在此時

諭祭鴻臚寺卿夏昇母誥封恭人碑在五里亭西北墓塲

正德十年歲次乙亥十一月癸未朔二十八日庚戌

皇帝遣廣東布政使左參議張簡

諭祭南京鴻臚寺卿夏昇母封太恭人孫氏曰維爾性

資柔慧容止安貞婦道母儀稱於宗族篤生令子效用

明時榮荷恩封式昭賢淑宜膺晚福胡遽長終諭祭遣

官茲惟異數九原不昧尚克歆承

重修趙考古先生墓碑記篆額高四尺二寸濶二尺五寸二十六行行三十七字

賜進士出身承德郎戶部主事瓊山後學唐曾撰文

廣東等處承宣布政使司分守海南道右參議口口口

瓊山縣志 卷十五 金石 六

篆額 欽差整飭兵備兼分巡海北道帶管海南道廣

東等處提刑按察司僉事汪口口立石

姚江趙考古先生謙洪武末司教吾邑一旦語門人曰

太虛不能不聚而為人物人物不能不散而為太虛吾

不久當歸吾元尋果卒弟子不忍去其柩爭負土留葬

哀泣若已父焉余少知慕先生之道而恨郡乘之失紀

其藏及讀裔孫宏翰上邱深菴書曰墓荒榛棘而識者

日寡未嘗不扼腕以歎也正德庚辰冬賀少參汪僉憲

二公來按郡皆篤慕先生者余偶府縣俱作獨與談及而共

咨嗟之未幾即得其藏於舊學之東北隅指示於衆蓋

隱隱於叢冢側餘於犁鋤無幾矣乃基石崇封補刻立

前地之侵墾者甃以甃石神

舊志

作隨塔券臺斬然以故

舊志

秩時目擊者咸有當日負土之心咸戚戚然曰藏幾百

三十年矣而古則之英靈今不終掩古者五百年不墮

之數

舊志作古預有不墮之數

蓋如此又曰所謂太虛聚而爲人不

徒恃乎形先生蓋自有不隨死而愈顯者斯藏之所以

不能泯沒也先生少慕考亭之學肇博於六書而又

字會之於六經百氏又約之於造化經綸一圖羽翼聖

道當時高皇帝與臣宋濂解縉皆知重之乃謫教吾邑

首啟王惠吳文祥諸賢之傳愈衍愈盛各以所得皆足

名世故語郡之風教謂文化洽於唐宣宗禮樂盛於宋

中葉而文丕變於先生其有功於吾土也大矣功之大

瓊山縣志

卷十五

金石

七

則思之宜深然世遠跡滅而漫焉者勢也故古人論保
思之道曰讀其書留其像甚至知其鄉里與形之短長
大小美惡及平生之所嗜好以想見其爲人而使存之
於心况茲骨肉所斃之土豈不猶切近而易感乎故茲
藏顯於慕道之誠因以起人心之思慕而向道則其自
有顯者寧不藉此而益顯乎其於世教之關係何如也
余觀前代於先賢之墓建漢白社思賢之碑築宋能仁
限牧之牆竊歎豪傑之扶世翼教每動人於風微人往
之後古今大畧相同未嘗不憫俗吏簿書之碌碌也通
判俞侯謂古則之賢固不讓於古而二公闡斯藏於既
泯功視古尤倍余不可無言而使之泯也余蓋有感於

豪傑而愈作思慕不已者烏敢辭

皆正德十五年歲次庚辰季冬月下浣之吉

知府口口口通判俞淵推官口口口經歷沈保宗知事

張口口檢校徐衡瓊山縣主簿劉口口府學教授夏寅

瓊山縣教諭劉口口府縣訓導伍典曹口口典史唐鴻

同立

案碑於參議以下等官或姓或名均不可辨考職官表

正德十四五任參議賀泰僉事汪克章知府上官崇推

官周鳳主簿劉鼎教諭劉廷輔惟知事無有張姓者縣

訓導亦無曹姓又攷府訓導正德年任有曹世奇名列

伍典之下豈其時兼署縣學歟不可得而知也

瓊山縣志

卷十五

金石

八

太常寺卿夏昇諭祭碑

正德十五年歲次庚辰 月 日

皇帝遣廣東布政司參議賀泰諭祭於南京太常寺卿

夏昇曰惟爾性質敦篤操履清勤發跡賢科歷官郎署

擢司符璽繼轉留都尋陟鴻臚以憂去位雅懷恬靜懇

乞歸休特晉清卿俾全晚節胡為一疾遽爾長終訃音

來聞良用傷悼爰頒諭祭庸爾郵恩靈其有知尚克歆

服

馮監察御史諭祭碑

嘉靖元年歲次壬午某月某日

皇帝遣廣東等處承宣布政使司官

諭祭於監察御

史馮顯曰爾以樸茂之質敏達之才發跡甲科厯官郎署功勞既久改任內臺奉使湖廣盡心供事權奸擅政憂憤自終更化之初幽冤可念特加卹典論祭爾靈九原有知尚克歆服

案馮顯官湖廣監察御史時方正自持嘗以事忤太監劉瑾為其誣陷憂憤而卒人皆惜之瑾後敗誅復官論祭文中有權奸擅政憂憤自終之語蓋紀實也

瓊州府科第題名碑

篆額高六尺有奇濶二尺六寸上半截勒文三十三行行二十八字下分

十二格列名橫分四十一行

賜進士出身中奉大夫江西布政司右布政使黃芳撰文賜進士出身中憲大夫雲南按察司副使唐胄書丹

瓊山縣志

卷十五

金石

九

賜同進士出身奉政大夫福建按察司僉事曾鵬篆額瓊島越自海北突起為中阜派分枝衍為環海郡邑形勢所屈靈秀攸萃其業儒挺拔而出率中士衣冠之裔先世轉徙流風存焉然自唐以前學校之政未立造士之方多闕雖有魁奇忠信之質亦淪介於夷縣志無此句無以自見昔人謂陽德炳耀獨發於紛葩瓊麗而罕鍾乎人豈其然哉宋興始建學校間雖一二顯自科第然皆江表志作左偏安之後獵俊彥以收士心非合藝於天下而列之也國朝洪武十七年甲子志無國朝二字初八午會十一運陽德昌融之候而瓊士捷京闈登會選者繼繼有人合南北之士褒然與之頡頏無稍貶焉志稍作少自是而

位省部躋臺閣瓊臺之名與曲江比隆蓋非偶然之故矣故亭題名有記瓊闕焉嘉靖丁亥郡伯林侯有祿蒞府事悉心民隱政教以飭思風士類以敦化原乃謀諸李貳守鸚張判府楷纂次國初迄今鄉會所薦若干人勸石郡學請於兵備憲副范公嵩范公驥之志無遣教授李章等屬芳記夫人才與治化相因治化隆而賢才出其出也徧乎遠地而後見其盛瓊去京師萬餘里至遠也涵濡聖化百六十餘年於茲至深也而材出於瓊者日盛蕃焉遠而不遺於時其賢可知也卽瓊以占天下之才其盛可知也因吾瓊之所就而徵帝化之敷延遠且洽焉其隆又可知也書曰萬邦黎獻共爲帝臣夫

惟盡萬邦之賢而臣之此堯德所以光天下也而科目所取乃盡乎海表而無遺焉此我祖宗之德所以光於堯而無間也雖然士之由乎是者名也非實也實勝矣雖匪科第人猶榮之徒名而實隳則人將指而訾之恨其名之不早泯也傳曰官先事士先志夫莫非事也而志無不貫焉志以立事事以志顯志實斯勝而名稱矣上之人固以是待士而士所以自待以取信於上者其在茲哉貞珉旣揭規監具在吾侯風厲鼓舞之意微矣侯莆陽鉅宗世著休顯其政學遠有自云未三句舊志亦無

嘉靖十年歲次辛卯

瓊州府知府林有祿同知李諤通判張楷瓊山縣知縣

原紹府學教授李章縣學教諭蘇芳訓導謝良翰陳廷俊吳相劉伯楨賴國泰劉伯輔

洪武十七年甲子林謙瓊山人國子學正文以純瓊山人教諭

彭添奇文昌人教諭葉茂瓊山人教諭林廣文昌人教諭

彭子文文昌人同知陳高瓊山人教諭洪武二十年丁卯

林輯瓊山人同知黃顯祖臨高人督府斷事謝貞臨高人

賈思達宜倫人何炯文昌人進士庶吉士洪武二十三年庚午

王觀懷瓊山人曾恩宜倫人教諭羊廷舉宜倫人給事中

陳源萬州人劉績萬州人黎景寬寧遠人教諭

文安萬州人教諭洪武二十六年癸酉符銘瓊山人進士中書

黃公澤定安人教諭曾寶宜倫人國子學正楊景厚萬州人

瓊山縣志 卷十五 金石

洪武二十九年丙子馮仕俊瓊山人教諭汪從周瓊山人國子助教

陳溥惠瓊山人吳發芹宜倫人教諭張觀嗣寧遠人

孫良宜倫人許簡崖州人林順瓊山人教諭

張善教瓊山人教諭楊孔誠瓊山人教諭李習萬州人學

建文元年己卯黃敬瓊山人進士知縣黃澄瓊山人

符喜宜倫人符添建宜倫人教諭永樂元年癸未

唐舟瓊山人進士御史洪溥澄邁人進士同知石佑瓊山人進士

王子朝澄邁人教諭陸普任瓊山人進士知府吳福宜倫人

馮宣萬寧人鍾進廣臨高人訓導永樂三年乙酉

王克義瓊山人進士主事林裔瓊山人教諭邢貴文昌人

馮賢樂會人知縣黃萬合宜倫人經歷羊嗣宜倫人主簿

楊 廕 萬寧人 主簿 符 俊 昌化人 縣丞 裴 初 崖州人 知縣

陳 召用 寧遠人 光祿署正 陳 海 寧遠人 黎 萬昌 寧遠人

吳 琮 寧遠人 陳 順 萬寧人 訓導 應天榜 永樂六年戊子

吳 錡 瓊山人 進士 知縣 蒙 才順 瓊山人 知縣 符 朝宗 瓊山人 知縣

周 潔 瓊山人 謝 彥英 臨高人 知縣 王 子中 臨高人 同知

王 銘 定安人 訓導 吳 紹源 文昌人 文昌人 王 敬 樂會人

蕭 進安 樂會人 馮 真 樂會人 經歷 符 嗣 宜倫人 知縣

吳 益遜 萬寧人 知縣 蘇 森 萬寧人 主簿 卓 佶 萬寧人 經歷

盧 祥 感恩人 永樂九年辛卯 梁 豫 瓊山人 教諭

陳 福 瓊山人 侯 袞堂 澄邁人 李 維銘 澄邁人 直學

陳 鼎鉉 澄邁人 提舉 梁 孔達 澄邁人 劉 護 臨高人 訓導

瓊山縣志 卷十五 金石 十三

秦 才 臨高人 林 茂森 臨高人 教諭 鍾 遲 文昌人

林 密 文昌人 進士 主事 李 恂廣 會同人 林 宏 樂會人

符 苗 宜倫人 縣丞 薛 喜 宜倫人 陳 淵 萬寧人

陳 初 陵水人 吳 鉉達 宜倫人 符 進 昌化人

薛 預 瓊山人 進士 知縣 林 瑜 文昌人 陳 順 萬寧人 教授

陳 喜 宜倫人 永樂十二年甲午周 閏 瓊山人 訓導

吳 忠 瓊山人 符 文秀 臨高人 訓導 林 彥仁 澄邁人

陳 忠 臨高人 照磨 王 賜 樂會人 黃 觀進 宜倫人

黃 智 宜倫人 趙 勉 昌化人 曾 忠 陵水人

吳 寧 感恩人 張 參 感恩人 莊 敬 文昌人 應天榜

永樂十五年丁酉徐 祥 萬州人 進士 知縣 馮 徽 瓊山人

符仲新 瓊山人

程義 定安人

姜寧 定安人

莫子珊 定安人

馮光 寧遠人

黎濟 宜倫人

李賜 感恩人

唐亮 瓊山人進士

永樂十八年庚子

李芳 瓊山人戶部主事

陳京 瓊山人

馮源 瓊山人

李謙 瓊山人

彭更 瓊山人

楊信 文昌人

雲子玉 文昌人

李廣賢 臨高人

符運 儋州人

黃秉 定安人

梁萬全 樂會人

趙獻 昌化人

盧雋 崖州人

王靖 萬州人

陳召 崖州人

王瓊 宜倫人

永樂二十一年癸卯

鄭璇 瓊山人

莫讓 瓊山人

吳昊 瓊山人

吳賓 瓊山人

羅公著 臨高人

林達 文昌人

莫伯惠 定安人

瓊山縣志

卷十五

金石

三

鄭昌 文昌人

郭璉 文昌人

李忠 文昌人

梁賢 樂會人

文中 昌化人

盧英 感恩人

高堅 感恩人

宣德元年丙午

唐敬 瓊山人

謝慤 瓊山人

雲曠 文昌人

郭璠 文昌人

裴威 崖州人

李暉 崖州人

宣德四年己酉

曾蘭 瓊山人

林豐 瓊山人

陳彥 瓊山人

楊舒 瓊山人

唐虔 瓊山人

陳祿 瓊山人

黃宣 瓊山人

廖忠 瓊山人

張賢 文昌人

宣德七年壬子

吳謙 瓊山人

梁玉 瓊山人

宣德十年乙卯

薛遠 江南無為人

海南海南衛

張誠 瓊山人

陳經 瓊山人

莫溥 澄邁人

謝寧 臨高人 訓導

正統三年戊午

鄧林 瓊山人 知縣

正統六年辛酉

邢宥 文昌人 進士 僉都御史

蒙亨 瓊山人 訓導

吳豐 瓊山人 知府

林森 萬州人

馮謙 萬州人 教諭

正統九年甲子

邱濬 瓊山人 解元 進士 武英殿大學士 贈太傅 諡文莊

蔣淵 瓊山人

李靖 瓊山人

張勛 瓊山人

周昇 瓊山人

歐陽麟 萬州人 教諭

曾英 瓊山人 知縣

陳暉 瓊山人 知縣

陳紀 樂會人

張圭 萬州人

正統十二年丁卯

王佐 臨高人 知府

吳孟矩 定安人 學士

林傑 瓊山人 進士 副使

舒昊 海南衛官 同知

景泰元年庚午

李宣 文昌人

馮濬 瓊山人 知縣

崔會 瓊山人 訓導

范倫 瓊山人 知縣

陳佑 儋州人

林孜 文昌人

王

瓊山縣志

卷十五

金石

古

裴崇禮 崖州人

歐陽暉 儋州人

景泰四年癸酉

唐濂伯 瓊山人 元

陳侃 瓊山人

吳衍 瓊山人 知縣

張翺 瓊山人 知縣

婁琮 瓊山人 通判

馮海 瓊山人

李珊 瓊山人 進士 御史

李都 瓊山人 訓導

鍾秀 澄邁人 知縣

李金 澄邁人 訓導

王惠 定安人 知縣

黃琳 萬州人

徐祐 瓊山人 南衛指揮 進

李宣 澄邁人 知縣

景泰七年丙子

王儼 瓊山人 知府

吳榮 瓊山人 教諭

周尚文 瓊山人 同知

海寬 瓊山人 知縣

徐福 萬州人

黃景辰 定安人 訓導

吳孟休 定安人 知州

曾瑁 萬州人

鄺蘭 瓊山人 教諭

李生 瓊山人 同知

天順三年己卯

周冕 瓊山人 元 教諭

林桂 瓊山人

陳浚 瓊山人

王謨 瓊山人

劉 預 瓊山人 夏 欽 瓊山人 韓國芳 文昌人

天順六年壬午 海 澄 瓊山人 進士 御史 王 忱 瓊山人

唐 絹 瓊山人 進士 知縣 符九容 瓊山人 林宗哲 瓊山人

李 玠 瓊山人 邢 瀚 文昌人 童 真 澄邁人

成化元年乙酉 吳 瑤 瓊山人 陳經邦 瓊山人

黃 詔 瓊山人 成化四年戊子 韓 章 瓊山人

蔡 嵩 瓊山人 唐 卿 瓊山人 吳孟偶 定安人

成化七年辛卯 張 縉 瓊山人 李 明 瓊山人

符 筌 瓊山人 成化十年甲午 蔡齊宸 瓊山人

林 元 瓊山人 周 奎 瓊山人 高 鏞 瓊山人

王 淵 澄邁人 李 仁 儋州人 謝 圯 萬州人

瓊山縣志 卷十五

王 和 崖州人 成化十三年丁酉 馮 晃 瓊山人

陳 復 瓊山人 陳 衍 瓊山人 王仕衡 定安人

程 潤 定安人 鍾 偉 文昌人 韓 儉 文昌人

成化十六年庚子 黃鳳翔 瓊山人 蒙克昌 瓊山人

吳朝陽 瓊山人 鄭 昂 瓊山人 張 政 萬州人

劉 鈞 瓊山人 吳景暉 澄邁人 成化十九年癸卯

鄭 稽 瓊山人 符 貞 瓊山人 梁 繼 瓊山人

周 鶚 瓊山人 王 濂 瓊山人 夏 昇 瓊山人

曾 鎰 萬州人 進士 李時榮 定安人 吳 鼎 瓊山人

成化二十二年丙午 吳 言 瓊山人 周 賓 瓊山人

張 沐 瓊山人 王繼昌 會同人 陳 鱗 瓊山人

韓俊 文昌人進士副使 胡濂 定安人進士布政使 周奇健 瓊山人知縣

崔繼芳 瓊山人教諭 宏治二年己酉 馮鴻 瓊山人進士御史

馮濟 瓊山人 朱庠 瓊山人教諭 李溥 萬州人

邢暄 文昌人知縣 廖紀 陵水人順天榜進士吏部尚書贈少傅謚信靖

王尚忠 崖州人應天榜 宏治五年壬子 邱勛 瓊山人

林汝常 瓊山人知縣 王宗源 瓊山人 海潤 瓊山人

王世亨 萬州人知縣 韓伊訓 文昌人教諭 何鐘 樂會人

杜寬 定安人教諭 宏治八年乙卯 林士良 瓊山人審理

岑英 瓊山人 張 瓊山人知縣 甘承泰 瓊山人通判

張世英 瓊山人 梁頊 澄邁人 王世謙 萬州人

黃瀚 澄邁人知縣 吳天挺 定安人左江道 宏治十一年戊午

瓊山縣志 卷十五 金石 六

唐胃 瓊山人亞元進士左侍郎 陳寶 瓊山人進士御史 薛廣 瓊山人知縣

唐翱 瓊山人知府 周道充 瓊山人知縣 黃輪 瓊山人

黃應期 澄邁人知縣 李進 瓊山人 宏治十四年辛酉

張世衡 海南衛官籍進士解元 邵銓 崖州人教諭 黃芳 崖州人亞元進士侍郎

吳廷宥 定安人知縣 程時泰 定安人學正 曾鵬 瓊山人進士副使

唐暉 瓊山人 曾應昌 瓊山人教諭 宏治十七年甲子

葉相 瓊山人教諭 陳宏 瓊山人教諭 方進 瓊山人知州

正德二年丁卯 蔡秉乾 瓊山人 孫集義 瓊山人知縣

周宗本 瓊山人進士主事 正德五年庚午 蔡士儲 瓊山人

陳世美 瓊山人知縣 蔡伯祥 瓊山人教諭 林士元 瓊山人按察使

周著 瓊山人 李成章 瓊山人 陳大章 瓊山人知縣

沙鷺 瓊山人

陳政 瓊山人

正德八年癸酉

陳常 瓊山人

楊愷 瓊山人

吳彥良 瓊山人

周俊 樂會人

林士明 文昌人

鄭翺 儋州人

文廷偉 萬州人

正德十一年丙子王宸

瓊山人

葉廷芳 文昌人

吳瑞 臨高人

正德十四年巳卯

汪有執 瓊山人

周仲良 瓊山人

俞宗梁 瓊山人

吳會期 瓊山人

吳誠 瓊山人

張士毅 定安人

王信 萬州人

嘉靖元年壬午

黃顯 瓊山人

繆宗道 瓊山人

郁崇仁 瓊山人

馮伸 瓊山人

陳榮 瓊山人

黃允直 崖州人

黃玠 定安人

周世昭 崖州人

蕭成 崖州人

嘉靖四年乙酉

瓊山縣志

卷十五

金石

七

唐穆 瓊山人

鄭世顯 瓊山人

王伯霖 瓊山人

王恩宥 瓊山人

廖士衡 瓊山人

林一鶚 瓊山人

鄭昂 瓊山人

莫士及 定安人

陳猷 定安人

黃表 會同人

余繼舉 崖州人

黎士葵 崖州人

鍾允謙 崖州人

嘉靖七年戊子

鄭廷鵠 瓊山人

陳天然 瓊山人

許益光 瓊山人

李應和 瓊山人

楊維鱣 瓊山人

馮時熙 瓊山人

李成寅 瓊山人

曾一夔 文昌人

王廷翰 樂會人

張允禰 文昌人

嘉靖十年辛卯

周鳴皋 瓊山人

洗沂 瓊山人

鄭廷璋 瓊山人

黃鳳翽 瓊山人

劉志科 文昌人

林興 文昌人

邢宗旦 文昌人

胡文路 萬州人

馮翔 澄邁人通判

案題名碑自洪武十七年甲子至嘉靖十年辛卯凡四百零五人碑在明倫堂

瓊州府社學碑記 篆額高六尺五寸濶二尺八寸二十三行行五十六字

通議大夫詹事府詹事兼翰林院學士南海霍韜渭光

撰文 嘉議大夫南京兵部左侍郎郡人黃芳仲寶書

丹 中奉大夫廣西左布政使郡人唐胄平侯篆額

皇帝御宇銳志復古聖帝明王之威桂林徐公乾以憲

節鎮瓊既修廢政振治理除戎器以飭邊防平訟寬徵

瓊歲大稔民用匡和迺作而思曰治理之務教化為先

矧我聖天子作則立極臣民承式敢不對揚鴻休乃謁

瓊山縣志 卷十五 金石 六

文廟集瓊之士告之曰聖人御天光復虞周之治於數

千載之下諸士有弗興起者乎諸士曰唯 縣志作諸生 又曰

聖人御天憲憲聖學赫赫訓謨布在學宮諸士有弗興

起者乎諸士曰唯既而進瓊之耆 縣志有老字 告之曰嗟嗟

民之生生豈其性之弗良化之弗臧弗於本之圖於未

之防為爾性之戕予為爾本是圖爾其克自強乎則合

辭曰唯唯又曰聖教之序有紀有綱如紀斯理如綱斯

張今俾瓊人幼學壯行率性 縣志作聖 之軌首善於爾鄉爾

其乃克自強乎又合辭曰唯唯徐公曰是可以興矣乃

集瓊之有司與厥士民申告之曰嗟嗟瓊人爾子爾弟

毋習弗靈爾父爾兄是教是程弗教弗程愆其誰 縣志

作德誰予爾父兄惟社學之興俾爾後生率德之行嗟

是膺縣志嗟瓊山俗化弗理德化弗觀過失弗紀禮俗弗格縣志

禍患路視予爾民紀爾民弗順於軌則予之恥惟鄉約作格

是舉俾爾瓊人俗淳政理瓊之士民又合辭曰唯唯徐

公曰是可以導之化矣乃分告之曰義民潘清楊馥之

彭威爾其改應襲書院曰崇儒社學選士婁筠為之師

訓爾蒙士曰義民吳紹齡林廷用張拱爾其改佛老廟

基曰東城社學選士李逢茂為之師訓爾蒙士曰義民

馬駒張口隆王節吳棧蔡朝聘爾其因甘泉之靈建南

泉社學選士鄭維垣為之師訓爾蒙士曰義民潘本泰

岑元高謝德充縣志爾其脩瓊臺義學曰西關社學選

瓊山縣志

卷十五

金石

九

士海威為之師訓爾蒙士曰義民唐轅潘行健沈珊沈

玉爾其以五通祠基為北門社學選士陳大韶為之師

訓爾蒙士曰千戶劉紹勳爾其改瓊海社學曰修文社

學選士陳大本為之師訓爾蒙士又曰爾瓊之耆其率

朱考亭之格訓朔及望會爾良暨耆於學率德考行相

厲以觀為鄉式師又曰爾瓊之耆尚慎旃哉蒙訓弗終

惟爾耆弗終考縣志德惟終蒙養乃終蒙德之成惟爾

耆之良蒙德弗成惟爾耆弗良弗厲初怠終遺有司羞

貳守柳侯邦傑拜稽首曰惟徐公訓瓊人訓厥子弟及

厥父兄於世世瓊人嗣有休聞於世世寶惟徐公式克

對揚明天子嘉德覆被海表敢不拜手稽首丕顯聖德

於瓊於萬斯年 嘉靖十一年歲次壬辰冬十月朔吉
瓊州府同知柳邦傑推官曹鶚府學教授梁文重訓導
周廷鳳陳經緯縣學訓導李本蘇碩立石碑在府學明
倫堂

大明平黎碑記

篆額高五尺五寸濶二尺六寸二十四行
行四十九字

賜進士出身通議大夫致仕戶部右侍郎人鍾芳仲寶
撰文

瓊黎深處巖穴老死不知官府之事兵革之威隱然太古風致其稍外屬距民村百里許乃有仇暴每羣飲牛酣操弓鏢緣林莽出掠歸則椎牛醕酒以詔於衆然善者恒十之七八不盡然也瓊山之沙灣居林等峒初暴

瓊山縣志

卷十五

金石

二十

時猶有所憚主者莫詰賊寢以肆乃設營兵恐其歲久益玩嘉靖甲午春三月渠酋黎佛二糾賊夜劫營殺擄士衆死典吏一擄千百戶各一事聞敕總督都御史陶公諧總兵戚寧伯仇公鸞會巡按監察御史戴公瓊檄諸司勘處諸軍因欲肆征郡守蕭侯晚曰余今日之策三揅擄係誅渠魁威犴醜闕一不可夫寇犬豕爾緩之則搏噬急之則風竄則擄者先死辜將焉贖今聞兵且合寇有畏心因其畏而誘之可圖也乃令經歷顏吉縣丞高明督土舍許承宣招降旁酋出擄者皆至有譖其譎者侯弗聽厚賞授以方畧俾誘渠酋設伏擒之衆大悅或謂三策已得其二餘可撫定口調集惟瓊兵道險

功不可期已之便分巡兵憲游公璉不可曰此賊視強弱爲叛服其敢爾無忌正惟徂我以至是也而又口噤以去彼滋易予隊之猶愈乎已乃協分守少參陳公端甫督指揮王守臣等以是年秋七月分哨抵巢賊皆遁莫敢抗則焚聚落奪穀畜屯兵搜捕再閱月賊食竭多死者時霖潦汎溢我軍亦疾疫乃下撫台羣黎聞者歡聲震谷願丁輸升量推款効順九月撤兵功不滿百僉少之然黎自是惴恐顛掉聽約束不敢竊出出則變夷服爲民裝不敢挾弓矢各操奇贏趁墟市與民相雜徙者復畝蕪者闢舊戍撤其連壁榛莽化爲村聚開國以來未有也教授鄧翔教諭楊鸞等謂不可無紀率兩學

生李充海戚林杲等因以請予予昔忝參廣西政每憾多殺不能已亂徒以長亂大兵未集賊覺先去功無所成獲則屠良以取盈有因一夫殺一村或無因而盡殺之者捷奏未幾怨仇並作而吾民橫罹其害此其勢相激使然雖知其慘且稔亂弗暇恤也今天子仁聖不喜邊功臣子仰承休德慎乃征伐風聲鼓動諸夷歸命蓋斷以必懲則知懼兵不濫及則知勸是以事省而不費威伸而不黷而大受其益斯正吾皇神化莫測之妙而顧欲上首功以自多曾未知無功之功加於有功數倍者矣昔憲副王公倬以土兵襲崖之千家僅戮二人而靖謐十餘年崖民尸而祝之芳爲之記乃事足相方得

效尤偉兵憲顧公可久又加意緝而熙之而林節推庭
榆恭翊後先咸以綏和宏化爲急行將盡被華風胥漸
而安且久矣奚趨十數年靖謐焉耳哉用是勒石學宮
以信永世且昭公議靡所阿比云

嘉靖十四年龍集乙未年十一月朔旦

察顧兵憲可久職官志隆慶年任此碑立於嘉靖十四
年是可久十四年任而非隆慶年任碑爲當時所刻最
爲有據職官志誤

皇明戶部侍郎唐胄諭祭碑

隆慶元年歲次丁卯夏五月十八日

皇帝遣廣東按察司左參議夏道南諭祭都察院副都御

瓊山縣志

卷十五

金石

五

史戶部左侍郎唐胄曰惟爾名著甲科養終丙舍初分
司於郎署旋提學於士林由副使以任開濟旬宣績懋
擢副都而佐戶部政事疏陳廟享力爭勛貴爲之奪氣
明堂議禮宸衷諒厥孤忠乃始宥之以容諫臣繼寵之
以復原職情殷待用天不憖遺彌切悼傷特頒恤典爾
靈不昧尙歆服焉

唐西洲公石像贊

聖人執中帝德其同迺崇直臣是秩是庸南夷干紀兵
議蠶起內安外攘方略疊疊配享上請權奸斯逞正義
嚴詞私謀始屏宗祀明堂周愷有章晦翁已矣嘉謨克
揚嗚呼形逝兮杳莫追神變化兮孰能窺立朝兮堂堂

羽儀千載如見兮典型在茲

嘉靖壬子秋

賜進士出身通議大夫兵部右侍郎鐵橋黃表衷拜題
案贊敘言仲子秩奉遺像付予以贊雅承高誼求之冥
冥而不可得云云仲子秩諸生志有傳至光緒年間始
摹像勒入石

明通議大夫戶部左侍郎贈都察院右都御史西洲唐公
神道碑

自予曩時見父老談西洲唐公立朝節概私心嚮往之
比長入仕中朝與修國史因讀公先後建白諸疏乃擊
節歎曰嗟夫若西洲公者豈不毅然大丈夫哉嘗觀縉

瓊山縣志

卷十五

金石

三

紳士夫平居矢口言天下事卽引裾折檻見若無難爲
者至當國家利害事變之衝輒相率鼠首兩端甚則卷
舌固位嗟乎此其人視公何如哉公以嘉靖戊午夏議
獻皇帝明堂饗禮忤旨詔獄廷杖爲民而歸是冬復冠
帶踰年而卒又踰年葬陶山潭緝之原隆慶初奉詔卹
錄乃晉公官都察院右都御史賜祭墓如例故事仕登
三品法得樹石神道公嗣孫恪走書京師以碑銘請予
雅重公茲復忝公後進載筆貞石榆闡幽美昭示來世
責惡可辭按狀公諱胄字平侯姓唐氏西洲其號也先
世桂林之興安人宋淳祐間始祖震刺瓊州卒於瓊子
叔建蔭瓊山縣尉遂卜城東番蛋里家焉叔建生次道

迪功郎瓊州戶錄次道生閩瓊州學教授閩生祖壽祖
壽生遜本州學訓導遜生乾昇太學生乾昇生正處士
太學生處士則公之王父父也俱以公貴贈通議大夫
都察院右副都御史戶部左侍郎王母吳母陳皆贈淑
人公生而敏穎於書無所不讀宏治戊午舉於鄉壬戌
成進士舉皆以禮記魁其經授戶部山西司主事丁外
艱服闋值逆瑾擅權公謝病不出瑾誅起公復以母老
乞終養益肆力於學蓋家食者二十年肅皇帝入嗣大
統始赴召爲戶部河南司主事時蘇杭織造遞遣中貴
人往大爲民害公上疏諫止詞甚剴切已又疏請出內
象又疏爲宋死節諸臣請謚立祠其所論列皆有關係

體時論黜之癸未春校會試所得多名士陞本司員外
郎尋擢廣西提學僉事公提學以身範士督師生習冠
射諸禮卽僻邑遐陬巡歷皆徧丙戌陞雲南按察司副
使備兵金騰飭號令治軍旅境內肅然士酋莽信橫虐
莫敢誰何公遣壯士計擒之逮其黨八人俱論死保山
令趙九臯與其子明引逆賊劉七餘孽承檄漁民民苦
郡吏弗能制公械繫之九臯坐賊邊餞糧例斬其首以
殉明坐抵命宣慰木邦孟養爭地構兵連歲鎮巡議興
四省師往討之公曰毋煩師是不戰而下乃覈木邦
先世與地所由論以國恩木邦感激獻地兵遂寢丁亥
改本省提學副使其所道士一如西粵時會有尋甸之

變總制提兵來者柄臣私人也囑公以故人子不聽時
三司殫其威議迎參皆跪公獨不從疏乞致仕不允陞
雲南右參政己丑表賀如京諸郡邑例餽夫廩皆卻不
受既至見京貴一無所遺上疏請崇聖德上嘉納焉陞
本司右布政使壬辰入覲陞廣西左其年至廣西時桂
林盜發喜掘富豪家塚王府諸巨姓惴惴旦夕公計獲
渠魁七人誅之而古田鳳皇寨韋賊尤大肆掠時調土
漢兵征之無功公屬其令劉朝輔曰往諭吾意天兵不
可再干如急來吾能生之朝輔如命往賊曰是布政果
前提學耶卽解甲與朝偕至受質而還輯其衆境內大
安蓋公往提學時嘗諭諸徭送子入學授書遺風猶有

瓊山縣志

卷十五

金石

三

存者先是各鎮守將月領銀賞徭名鹽魚銀軍器局月
支糧給軍名軍匠口糧公按掌故謂洞首能戢諸徭無
掠乃賞令各處警報何賞爲祇官吏冒耳軍器局造以
年今元年未造已而支糧至十二年何也悉禁絕之靖
江王府宗人受封輒請補祿自登名玉牒日始公曰祿
與爵偕應始自拜封從前誤也且以靖江一府月補祿
米八千石合天下諸藩費當何如者遂疏其弊於朝宗
室羣齟齬之公屹然不動尋得旨俞允通行各藩著爲
令蓋公在西粵功績殊尤類此他如疏請不隨王府慶
賀不行王府叩頭朝禮及戢客兵不敢爲暴人聞之皆
吐舌癸巳陞右副都御史提督南贛汀漳公以開府四

省重鎮而贛城卑小何以示威乃增築樓櫓雉堞擬諸都會按兩廣軍興條例著賞格置湖西道檄守巡分駐臨江吉安令緩急可倚官軍遠邇帖然僅半載改山東巡撫再乞致仕不允時值旱公焚香祝天藩司分禱嶽瀆諸神連日大雨郡多蝗公撰祭文命長吏做周禮春秋禋祭是歲無蝗子生盡爲蝦蟇蟻子食有蝗飛自邠淮來過沂州不下歲則大熟是時公方尋黃河故道以疏三郡水災數通省荒田給民牛種墾之爲世世永利未就而陞南京戶部右侍郎丙申春改戶部右侍郎迨秋轉左會安南弗靖廷議興師往問罪公曰安南道路險絕出師必無成功且得其地不可郡縣永樂中事是也

因疏力言其不可者七事武臣郭勛怙寵請其祖配享功臣廟公復疏請止上皆虛已可其奏嗟夫公於君臣之際亦已遇矣乃明堂之議聖心有獨契古禮者在廷諸臣未必能知公亦坐此不合然肅皇帝之明與公之忠皆可以流光千古若公者可謂終不遇乎哉公卒爲嘉靖己亥四月十三日距其生成化辛卯十月二十二日享年六十有九配鍾氏出文昌甲族貞惠有聞累封淑人子男三長穆戊戌進士禮部儀制司主事次秩次稼女三長適尚寶司丞邱郊次適周盤次適馮昇孫男二恪惇恪官生都察院照磨卽來請予碑銘者孫女一公天性至孝事處士公敬養備至疏歸侍養時會陳淑

人有疾公手調藥朝夕不解帶舍傍忽產蓆菰取以供
母人以為孝感治家嚴而有方冠婚喪祭一遵古禮行
之素性儉衣履不擇敝好處滇中數年珍寶之物一無
所攜所至解任之日廨中供帳器皿悉署籍以俟來者
自提學備兵至開府東南士民無不遮道攀轅送出境
外去之久而愈不能忘為文章根本六經不務綺麗所
著有瓊臺志四十四卷廣西通志若干卷江閩湖嶺都
臺志十三卷詩文若干卷行於世初公既罷歸尋有詔
復公冠帶人謂上意原公且召公而公逝矣公生平以
范文正自期身任天下之重乃不獲竟所設施惜哉是
宜銘銘曰

瓊山縣志

卷十五

金石

三

於爍唐氏質始興安爰及司徒碩大且蕃通籍廿年優
游林壑幡然而起雲蒸龍躍中外敷歷藩臬薦更乃簡
中丞乃陟貳卿文武邦憲勳猷名世侃侃論列弗巖實
勢批鱗削籍易世旌忠贈爵祭塋愍卹優隆已化者人
不朽者德鬱鬱佳城遇者其式

賜進士第資政大夫南京禮部尚書前太子賓客兩京
吏禮兩部左右侍郎兼翰林院侍讀學士王宏誨撰文
篆碑佚已久舊志以為鍾筠菴侍郎撰文徧求筠菴集
海外未有其書無由攷正及閱王忠銘公天池草第十
九卷有西洲唐公神道碑文繫其孫恪請銘者乃知碑
文為忠銘公作非筠菴侍郎無可疑者舊志攷之不精

仍延前誤今改正

巡按應天監察御史陳寶
嘉誌麟

侍郎邵寶撰文墓在陶公山

案陳寶官御史時徽寧諸郡彈劾官吏無所隱匿蘇湖有沙灘民業葦利中貴奪之寶為奏還於民地方永賴其利宦績甚多通志備載卒後御史朱寶昌奏請卹典得旨允行誠為異數

侍郎鍾芳諭祭碑

嘉靖二十三年御賜祭堇遺參議方民悅諭祭致仕戶部侍郎鍾芳曰惟爾性資敦篤才識通明發跡賢科掄官吏職出補外郡游陟郎曹擢司臬而學政聿新舉參

瓊山縣志

卷十五

金石

三

藩而軍功克著奉常兵侍效職留都進佐司徒允周國計方陸委任肯乞休開林壑優游遽爾洽謝忽聞訃喪良用悼傷特頒卹恩以酬往勞營葬有制賜祭有儀靈爽如存尚其歆服

通議大夫戶部侍郎贈都察院左都御史筠溪鍾公墓誌
銘 通議大夫詹事府詹事香山黃佐撰文

瓊有鉅儒曰筠溪鍾公諱芳字仲寶系出魏侍中繇傳至唐中書侍郎紹京始徙顛家龍南又傳至宋龍圖學士佃安撫廣西討平黎寇著績於瓊其裔孫淳傳德賢克偉至鑑乃徙萬州公高祖也曾祖惠洪武中徙崖州祖京考明俱贈戶部右侍郎祖母孫氏母彭氏俱贈淑

人繼母楊氏封太淑人祖嘗育於外親冒黃姓至公顯
庸後始奏復焉公自幼穎異十歲入州學十二喪母知
哀慕又十年喪父哀毀轉營其真知力行蓋天性也宏
治辛酉領鄉薦弟二正德戊辰試禮闈康修撰海擬首
選不果乃寘弟七文名大震登進士二甲弟三改翰林
庶吉士授編修忤時左遷寧國府推官精於吏事能折
滯獄如朱氏婚媾趙氏發冢皆一訊卽服他郡咸求質
成公應之犁然無不愜當者會大水歲稔議行賑恤民
獲莫居政暇則啟迺來學部使者交薦其賢壬申陞漳
州府同知癸酉供事場屋閱卷刻文爲監司所咨得人
最多尋攝府事時兵憲欲征漳寇公主相機撫督府

瓊山縣志

卷十五

金石

三

從公議鎮守中官市絹索需擾民嚴加禁覈擒漳浦豪
猾徐姓者置諸法自是獄市靖矣乃行鄉約於諸邑作
詩以風勸相其父老教詔其子弟俾知敦化向學逾年
而民俗丕變甲戌陞南京戶部員外郎士民攀轅播於
歌頌旣去任李巡按如圭猶以異才薦之遂署南吏部
稽勲郎中轉考工一時名公如劉太宰春羅少宰欽順
凡甄別優劣皆從公言三載績最覃恩考妣遂實授尋
祭掃南歸辛巳陞浙江提學副使施教校文必參檢敦
行力學者爲上穎悟淹貫言行慎者次之挑撻諧蕩者
交雖工必懲自是浙士斐然嚮風刻公存養諸稿以傳
大比力止續考且沮權貴子入試何巡按賊始憾終憐

乃特薦之癸未陞廣西右叅政單車深入洛容諭降賊帥羅朝墮等千餘人陷賊者來歸如市尋調兵扼險攻柳州馬平之穿山峽賊皆喙息時貴縣多虎患父老遮道泣懇公爲告山神蒐獲六虎餘悉遠遁其患遂息會督府盛中丞應期召議軍事公留蒼梧而姚公模代至益重公雕勦六青諸峒招降賀縣思柳等寨皆公策也乙酉提調鄉試裁定錄文舉收名士屬人覲有多編門隸爲奸吏者參治如法而後行丁亥討田州叛賊岑猛公檄數其罪惡而留梧調度兵餉相機策應迄成威猛之功捷聞有白金文綺之賜迨凱旋湖兵不戢公諭禁以長柄大牌梧民賴以安堵時平樂賊畏威越境東掠

肇慶告急督府以兵屬公乃選精銳順流急擊復邀其歸路大敗之俘馘無算捷聞有銀牌綠幣之賜潯州斷藤峽賊時出掠公以奇兵襲之羣酋請通峽督府檄公募舟數千通焉於是酋有敗杉木於梧市者謂亘古所無也猛賊旣平餘孽盧蘇等復叛公請如原議撫定主者不從師久無功上命新建伯王公守仁總制徂征公言善後之策當分置土官王公聽從其言泉不勞而定於是撫按屢薦戊子陞江西右布政使提調鄉試譽髦多人穀者尋入覲京師無所饋遺人亦諒公廉約還任掌司事凡藩祿軍需之難處者每經區畫悉得大體擒治奸吏豪民不過三四輩而闔省肅然大治撫按復交

薦之庚寅陞南京太常寺卿辛卯春大臣奉命來行祭告禮欲比正祭公疏言告祭主於誠不在備物禮當與正祭異惟用脯醢酒果上從之著爲令尋攝國學講論經義求諸身心胥子莫不感動十一月疏乞休不允壬辰陞南京兵部右侍郎與參贊王公廷相協恭革弊如馬快船舊累戎伍設法以蘇其困提船者必稽役以給其餉諸凡秕蠹爲之頓清八月疏乞休不允癸巳改戶部右侍郎奉敕總督太倉尋以考察自陳乞休不允與許司徒讚經略邊儲以紓民力復查舊規嚴限以警濡滯之頑散餘米給軍以免鬻船之患於是漕政大舉八月東宮誕生賜恩二代廕孫傳久監讀書會大同軍亂

瓊山縣志

卷十五

金石

三

殺主將公上疏請止誅叛逆招降其脅從者大與當路幹其後上悟改敷竣事一如公言甲午二月考滿奉旨復職七月南京太廟災公疏言修省以回天變言甚剴切且乞休益力上重違公請准致仕中途聞繼母喪兼程奔還家居十餘年未嘗一至城府惟以書史自娛有干以私者謝曰吾守志猶葵婦豈以晚而改節卽甲辰十一月十七日薨於家距生成化丙申年二月二十二日享年六十有九配王氏封淑人子男二長允謙己丑進士累官知福州府次允直壬午鄉進士早卒女二長適張進士子穀次適邱文莊公曾孫祈孫男二曰倬曰儲女一適郡庠生岑昇公所著易學疑義春秋集要及

詩文集各若干卷其爲文雄渾精深氣隨理昌論以程
朱爲宗嘗與予言性根諸心非學弗培故道問學卽所
以尊德性非有二也又謂存養兼動靜非端默靜坐之
謂知行本自合一知以利行行以踐知理無內外心亦
無內外也其爲學博極而精雖律厯醫卜之書靡不道
貫然皆取衷於正理至論郊祀之禮惟主合祀力辨漢
儒禘郊之非深得坤道承天之義會上建南北郊具奏
格不果行深以爲恨論樂初以陳暘去四清爲是聞予
言夷則以下四均舍是則迭相陵而不調卽幡然肯從
其虛受類此晚年卜築於瓊名其居曰對齋義取對越
上帝謂事道卽事天也其用功益密所造益深矣公性

簡重寡嗜慾事繼母至孝兄蘇弟英蚤夭禮恤嫠妾俾
守貞得所人以爲難計偕北行時同年邵銓病危公留
療治雖試期已逼弗顧也其行誼類此真可謂能踐其
知者矣福州君將以其年月日葬公於某原荒荒苦塊
使孫倬遠來速銘予生也晚辱公道誼切劇最重蓋知
公莫予過者其可辭乎銘曰

鍾易而黃公復厥初顛徙而瓊公康厥居公之積學實
培厥性亦復而康天乃終定積小高大仕猶學然翔乎
天庭肇自左遷洋洋文教赫赫武備遂陟奉常以至卿
貳始終一德知則必行醇哉鉅儒可式後生
案黃佐字才伯號希齋晚號泰泉居士香山人正德庚

午鄉試第一庚辰進士入詞林歷官至少詹翰林侍講
學士卒贈禮部右侍郎諡文裕著有泰泉集

明賜進士第陞授奉政大夫工部都水司郎中周務齋公
墓誌銘 賜進士第浙江按察使司按察使世愚弟林
士元撰文

歲乙未九月十九日工部郎中務齋周公以疾終於員
山之正寢元歸自湖廣憲臺既撫其棺而哭之再四年
戊戌歸自廣西省則又哭之其從兄弟來北泉草堂言
曰亡弟所以停棺未葬者待子玄室之銘也予與務齋
生同里閭辱在瓜葛進身同年仕同朝志且莫逆銘惡
可辭謹按狀公諱宗本字立之姓周氏號務齋先世閩

瓊山縣志

卷十五

金石

三

人自始祖翰林學士來瓊居秀梅里三世祖致政公來
居員山爲東洋里正世躋科第公高祖諱淋曾祖諱悅
祖諱昇皆隱居不仕父諱奇僕封工部郎中母王氏封
太宜人以成化乙巳年十一月二十六日生公有奇節
稍長穎悟絕人授義經旁通詩書禮記遠近以神童目
之然大志濶步不層進取從父靖江縣尹奇儻督而教
之使從事舉業十七歲以儒士應辛酉鄉試張參政合
省選士擇其最者四人以示於衆曰奇才奇才公與吾
瓊張進士世衡博羅鄭御史維新其一一人則予忘之是
秋張果發解公還中丁卯舉再試申甲戌禮部唐皋榜
進士授漂陽合邑居京輔多豪右公苦節秉法無所吐

茹撫按交薦其賢以風憲召入京舟行河挽卒與賈有力者爭道為其所銜授南京工部都水司主事差抽蘇湖竹木畢力剔蠹國計倍於昔還管部事署郎中以疾告辭賜歸調理者八年蓋公以二親垂老在堂因此為終養之計也一日封翁厲聲曰聖明在上鄉里賢俊後先飛騰拖金衣紫吾非人心不願有此即汝欲待我以死我即不食矣公惶懼無以應即束裝赴部復舊職陞都水司郎中時南京工部歲課所入惟蘆洲為盛而貴族閹寺相倚奸利尚書石湖何公特疏公名於朝奉璽書行事公按其尤者數家寘於法奪其利還之民莫不握手相戒曰迴避新蘆洲也善政屢騰朝廷特旨宣慰

瓊山縣志

卷十五

金石

三

陞奉政大夫晉爵營繕司郎中居無何封翁訃至公奔喪歸讀禮既逾祥禫則自喜曰昔之出迴於父命今供菽水於母氏之旁尚有何言哉再逾年疾作遂不起得壽五十有一室曾氏封宜人無子側室生女三長適胡方伯之孫焯次適舉人陳世美之子傳燮俱太學生三則予仲子禮部儒士樂之也公賦性剛介遇事敢為取予一毫不苟家居惟讀書課農事足跡不涉府城善詩有唐人風致酒後輒豪吟數首遇敵者聯唱或通宵不寐文有氣格多不留稿公卒後從子忠檢笥中得若干篇錄藏於家銘曰

茂質清操博學強記厥德不同浩然正氣稠人之中耿

耿持議如倚危樓俯瞰平地科甲蜚英盤錯別利宦轍
所之民安吏息強者見鋤柔乃有恃士論推公遠大之
器仕而不仕愛日愛志不仕而仕勉承親意金紫雖榮
不如融泄若人者儔漢賢毛義天不佑賢奪之胡遽奪
之酷矣復艱其嗣梁山之西川原蒼翠爰卜幽藏於此
焉瘞崇土爲墳刻石以誌作銘者誰北泉友弟

嘉靖十八年歲次己亥夏月之吉立

重修唐氏祠堂碑記

古者士大夫皆有廟以祀其先後世姓族蕃衍故易之
爲祖堂堂亦廟之別名也夫天之生物也使之一本而
君子之道始於親親親親仁也所以敦其本之一而奉

瓊山縣志

卷十五

金石

三

若天道也人之生也必本乎祖自以仁率親等而上之
其所以油然而生孝敬之心欲伸其報本追遠之志祖堂
於是乎建焉予曰吾觀祖堂而知古道之可復也何也
尊尊親親之道備也故祠堂之建則時祭行而節朔具
昭穆明而孝弟生合族之子姓兄弟皆知吾祖之所自
出而不敢忘其本如是則尊尊之道著矣世序以秩倫
理以明合敬同愛而不至相視如路人如是則親親之
道行矣尊尊親親之道明而教化彰矣吾故曰觀於祖
堂而知古道之可復也夫瓊南多著姓大族以攀丹爲
盛攀丹之籍居以唐爲盛唐之族自宋特奏公刺瓊叔
建公卜居攀丹以導其源嗣若次道發解廣西行省若

次翁若闡若闡若闡若闡成仕文學以濬其流遞傳而科甲蔚起桂苑連芳若汝濟官河南御史副使其子亮江南寧國府其翺其弧各爲戶部員外郎中鄉副明經難以枚舉至西洲公父子甲第兩中魁闈均官朝列則有以揚其波而大其瀾唐氏之宗於是乎碩大昌明綿延未艾矣西洲公之氣節文章勛業蔚然一代名臣而養吾若經明行修方紹美揚芬惜天之不永其命也祠堂之建自正德丙寅案丙寅正德元年西洲公隆其基構飾其輪奐四代祖考用致孝享第未展大寢室崇樹坊表以畢其志養吾成之而數年以官離瓊俎豆莫之能舉也大學生恪守厥考之志上溯乃祖之心於茲畢力焉嘉靖壬

瓊山縣志

卷十五

金石

三

子冬十月肇工越月落成其修拓之規悉遵祖父之舊堂在居室之左而祠寢堂寢齋門表坊亭次第廣而續之以引以翼名其齋曰存著亭曰對越子孫分居左右將世世同堂告祭勿替引之其青雲池田坡亭水地存爲祖墓長祭惟西洲公之貽謀善述者遠也

江西贛州府龍南縣吳誠明卿甫篆額

福建漳州府龍巖縣李寅東原氏撰並書

明嘉靖壬子年冬十月

大明武昌府通判懶齋周公墓表

賜進士第浙江按察使司按察使世愚弟林士元撰文瓊山之西南百里之遠有岡曰莫寅左右環侍背屏山

而臨曲池首卯而趾酋屹然崇四尺於其間者湖廣武昌府通判懶齋周公之墓也既塋踰十年其仲子筌箴奉年譜且述公遺命以墓表屬余余不敢辭謹纂譜公諱賓字廷重號懶齋先世莆田人宋季有寓於瓊卒塋邑西秀梅里題其碣云有宋學士周七官之墓失其諱七官子孫世居東洋里員山村蕃衍而業儒與公同年者靖江尹奇健後公登第者工部郎中宗本戶部主事世昭諸以科貢登仕者尚多焉高祖諱孔琛曾祖諱濟祖諱昇正統間以禮經中郎文莊榜有學行文莊久敬而善交焉考諱學文屢以儒士應舉教讀鄉閭多所成就妣賓州守孟休之妹以成化元年六月甲子日生公

類悟有奇節稱長父母以祖經授之曰此吾先題莊文藝也有族伯曰某者建塋延師自任供饋之費而省督諸子弟尤嚴禁家務不以相及故公得專志於學治舉業卓有成就歲二十二領成化丙午鄉薦第二十三名應庚戌禮部會試中乙榜署韶之曲江學訓導邑故張文獻之邦而近時科第落落公督率賢序課程不息弟子鄧元唐鳳並以禮經魁省闈人謂傳衣鉢之功也踰八載丁太夫人憂喪塋依古禮不用浮屠服闋又二載以儒士尊翁垂白在堂不忍遠離尊翁告之曰汝有二弟侍終吾望汝祿養安得遲遲公恐懼就道會試新例違限革黜者衆公以先十口謁部無罪焉會試再不第

適丁儒士公憂喪葬如夫人禮鄉人多效慕焉制終赴部改訓三河縣學三月通考九年績稱最陞桂林府推官讞獄詳明承委多勞勤撫按交薦陞武昌府通判督徵勤敏廉介不私被薦亦如廣西一年以疾告二年再告撫按察其志不可留聞於朝上准致仕是爲正德甲戌歲也公旣歸員山明農講學教誨子弟足跡不至城府與鄉人居退讓以明禮取予毫末不苟尤善珍攝勿藥而有喜壽八十有一考終正寢是爲嘉靖二十四年乙巳歲三月二十八日也配宜人海氏御史澄之族貞吉宜家先公卒塋並佳城子三管筌箴二女長適澄邁貢士吳縉次適梁老蔡乾清孫三澍滋沂管筌澍滋俱

府學庠生箴以例補授定安縣陰陽學訓術沂尚幼是歲縣庠改造文廟落成俎豆一新諸士議公祀於鄉賢呈府縣並達督學使者待報舉行公而判巨郡皆會盤錯別利器之所樹立有效而年譜出自公手著不欲自矜弗能追敘其詳憶予憲副之日聞武昌之民生祀之暨參廣右則拜公於名宦祠因自歎曰忝憲兩藩寧不於公是愧乎嗟乎二邑之人心固不可誣而公之實政實德自有不可掩者哉抑予讀撫院西軒陳公薦疏末云以上各官俱賢能而其中周賓吳越爲最乞不次擢用夫天下士於兩廣數百人矣而二公袞然首稱况令名而有終乎是可敬矣吳公端人也初尹武昌有聲賢

太平思恩通判同知嘉靖初邊夷屢釁桂文襄在吏部以咎坐守長多易置焉特陞吳公爲工部郎尋以光祿寺少卿致仕南京榮之湛祭酒甘泉盛學士程齋倡爲詩什屬予序焉旣易簀其子岫奉遺命來蒼梧索墓表予哀感而授之茲復承筌箴之請執筆以表懶齋之墓也二公俱鄉里前哲名稱於末世而範垂於後人予並附之以垂不朽云

嘉靖三十五年歲在丙辰秋月之吉立

告宗族書

篆額高五尺濶二尺四寸十八行每行十六字

列位叔父列位兄長別後想得安康倫別無他囑爲人祖宗父兄者惟願有好子弟所謂好子弟者非好田宅

瓊山縣志

卷十五

金石

三

好衣服好官爵一時誇耀閭里者也謂有好名節與日月爭光與山嶽爭重與雲漢爭久足以安國家足以風四夷足以奠蒼生足以垂後世如沐宋之歐陽脩如南渡之文丞相者是也若只求飽煖習勢利如前所口則所謂惡子弟非作好子弟也此等子弟在家未仕也足以辱祖宗殃子孫害身家出而仕也足以汚朝廷禍天下負後世甚至子孫有不敢認如宋之蔡京秦檜此豈父兄祖宗之所願哉想其氣醜官爵富貴豈止如今日鄉里中一二前輩也而今安在哉然所謂好子弟者亦在父兄有以成就之爾吾願叔父鑒之兄長亮之子姪戒之共懲成我做天地間一個完人蓋未有治國不由

齊家何謂齊家不爭田地不占山林不尚門爭不敗鄉里不凌宗族不擾官府不尚奢侈弟讓其兄姪讓其叔婦敬其夫奴共其主只要認得一忍字一讓字便齊得家也若不信此譬如爭一畝田占一畝住基兩邊或致人命或告官府或集親戚所損甚大若以此費置買前物所費幾倍其所以爲此計者不過遺自己之子爾父母之心愛子孫一也今奪吾父母之子以與自己之子甚非吾父母之心也父母雖不在逆其心則逆天理矣安知我子孫不如今日之爭哉凡事皆此類也而此事尤切故特言之今後若有田地等物不明只計自家明白切勿擾及官府其餘取債之屬民甚貧窮可憫自己

少用一分使債得一分德奴僕放橫不可口口自今以後無片言隻字經動府縣方好不然外人指議此人要做好人不能齊家世間安有此等好人哉

此羅一峯先生及第時所作家書也先生青天白日磊磊落落何有纖毫芥蒂其間此與做秀才時志在天下生平志不在溫飽者同出一轍瓊爲蘇文忠公流寓爲邱文莊公父母之邦與中州衣冠文物何殊而世遠道微士習不振則講明正學以嚴義利之辨開示羣迷以決趨向之機者非責在守令而誰爲故刻諸學宮與有志自樹者勉之

嘉靖三十二年孟秋之吉

知瓊州府事廬陵後學張子宏頓首拜書

瓊山縣儒學記 佚

嘉靖三十三年八月郡守安成張公歸自覲思因教化以宣其德乃集郡屬謂之曰吾無德於瓊願廣文教以嘉進諸士孰當與羣屬合辭曰瓊山郭內名邑邑有學舊在南郊文廟羣祠悉如制自宏治戊午遷於府學右隅廟遂蕪省師生歲時釋菜不便願如制公曰然有學無廟是缺典也昔人豈昧皮弁之祭以忘敬道顧遷改勞民民既屨於力乃俟後人爾時可舉羸豈宜廢禮願與縣令吳君時昭更始以興起斯文教諭陳湯敬訓導黃子祿極力申請公至是慨然轉達院司諸道上憲

瓊山縣志

卷十五

金石

四

悉從其請始筮日以次年十二月二十四日興工是日公偕二守安成趙公暨司理建寧徐公督工縣丞高君汶開荒畚土卽明倫堂右考古祠爲之因買比鄰王歆屋址廣袤若干丈餘以拓其後南向建啟聖祠東西分建鄉賢名宦二祠考古祠改建於敬一亭號房之後兩廡廟門櫺星門森然如制今工未完公以考績行乃屬徐公興念猶切適新制別駕四明陸公下視邑事協心成之自陳君擢去吳君覲回黃君與新任司訓蒙君廷用併力董視每缺一椽一石必相與告於吳君督責義民陳文秀老人周德高陳隆慎鳩而完之其勞足嘉吳君考終其功也數十年頽廢非張君吳君銳志敬學何

能有今日耶諸生蒙諸公惠咸思誦之無窮乃來請記
因作詩誦之其辭曰渠渠新宮在瓊之陽有泓其池有
窿其堂作者誰歟瓊守曰張成者誰歟瓊守循良存心
撫字事用不擾愷悌鼓歌袴襦攸寶化治宏敷率與文
教廢缺是修鼎新廟貌乃所願學鄉國格言邑人何修
泰山在前仰之匪高鑽之匪堅希顏顏徒理則宜然憶
昔在堂面命多士曰作新宮匪徒瞻視願爾諸生惟聖
是式言必由衷行必由義若師有職若陶有型顧瞻新
廟萬世儀刑古人爲己今人爲名慎擇爾術無忝所生
苟在其內務馳其外虛車幻術恒謂大怪如或用之斯
民何賴敗類是懼慎爲爾戒再拜稽首請服嘉言聖門

瓊山縣志

卷十五

金石

聖

肇開敢不拳拳廟一告成休聲日宣矢詩載歌播以永
年

賜進士出身翰林院編脩江西提督學政布政司參議
邑人鄭廷鶴撰

案嘉靖三十四年郡守張子宏重修學宮鄭廷鶴撰文
勒石記中云貳守趙可昱司理徐宗望新至別駕陸淳
皆協力繼成者今文存碑佚特詳其名以爲後之有志
學校者勸

明龍南縣知縣雁峰吳公墓誌銘

龍南令吳公之捐館舍星霜屢易矣其鄉所撰行狀則
鄱陽令王子汝爲也公之季嗣覺以墓銘久未有屬爲

缺典乃持狀詣予泣然願有以請也予爲公晚輩蓋疑非
公教者不敢以不文辭謹按狀識之公諱誠字明卿華
峯其別號也南湖之西有峯名雁塔公居瀕之因號焉
其先聞之延平人世居永安之貢川大父諱本字淵泉
娶羅氏生子二長大用次繼祖以避景泰癸酉兵亂攜
繼祖入瓊續娶滕氏生女榮姐滕氏卒本擬歸閩以繼
祖與榮姐留瓊畢其婚嫁而歸更繼祖名俊字子賢娶
周氏有賢行生公公幼穎悟過人稍長嗜學不倦年十
五遊庠踰年考妣先後繼喪公哀毀如不欲生塋祭盡
禮姑氏榮先適李舉人明年二十四歲而孀無子矢志
不二歸吳撫公如巳子爲聘娶教戒諄切公獲勵志舉

子業無內顧之憂正德丁丑姑辭世公哀慟如喪厥妣
殯力塋服喪三年鄉人義之具請於郡旌焉時桐鄉王
公佐西州唐公曾會修郡志載之孝義傳附錄諸名公
詩章以美之庸以風世也已卯公領鄉薦嘉靖癸未試
禮闈弗第遂就教諭柳城時按院謝公督學唐公雅重
公文學檄統八桂書院五經師事尋委修柳州志成以
成績蒙旌丁亥擢掌教贛州督府唐公復命修都臺志
凡諸諫草詩文多屬焉其以才識見推於上如此公在
柳時唐公以鄉雅密遺缺贍百金公固辭至再唐公爲
之愧服在贛有指揮某罹法當刑以公受知督府密遺
三百金公揮而卻之唐公聞深加歎賞其以廉介見重

於上如此乙未擢令龍南首釐宿弊四十餘條嚴禁令
絕苞苴獎善化惡植弱鋤強民賴以安有龍南書生馮
堯者以強盜株連繫獄公力辨其寃釋之遠近稱明縣
與龍川和平接壤流賊肆劫難制初督府陽明王公剿
三泐招二酋謝鉞李鑑者給以冠帶使戢羣賊至是縱
黨爲殃公乃建議當險置舍巡守緝捕遂持軍門檄大
賊巢相地二酋恐誅出迎公廉得其情因設計以賊滅
賊密遣武士檄二酋期日擒斬諸賊解功行賞如期無
功先加滅戮二酋悚息受命會沙頭賊徐守沐等僭號
猖亂鉞鑑伏兵擒捕上功軍門悉平餘黨境內晏然其
以勤能效勞於上如此縣中巨猾陳攸徐杲輩素黨羣

瓊山縣志

卷十五

金石

四

賊以賊破尤公適小民詣縣告攸并占田土公明正其
罪攸怨益深遂與杲賄囑泰和刁犯蕭福捏詞誣公公
直之當道得其狀寘之獄公復視事因浩然歎曰道不
可行矣遂懇乞休致丁酉冬解組南歸闔邑士民攀留
無計卧轍挽舟者沿江路有遠至數百里者咸戀戀不
忍別蓋公能愛民如子故民愛之不啻慈母然歸則寄
樂烟霞絕迹城市靜坐一室左右圖書布衣蔬食晏如
也公古貌古心孝友篤至蚤失怙恃每遇春秋誕忌日
輒興風木之悲姊年八十無依迎養不怠沒則以雁塔
地塋焉性尤好義樂施有稱貸者罄囊與之不計其償
課子講學從者雲集教人以立心無妄爲本樂道人善

口不言人過鄉人咸信而慕之凡有私門皆就質平因
參酌藍田鄉約朔望會衆舉行期以返淳敦薄至今賴
焉晚養靜湖南疏濶世事當道有司每延訪加重時有
廖安者以人命誣公兵憲嶺泉胡公詰之曰此非郡志
所載孝義者乎立置訟者於法明晨命車就拜對語移
時因四顧垣屋歎曰真清白吏家風也小洛何公按部
至聞公名造其廬而禮焉郡推徐侯邦佐以鄉飲累請
公不至躬率諸生詣門敦請始一爲之出其恬靜足以
激貪懦大率類此生平觸景興懷動必形諸吟詠所著
有雁峰集詩晚年日錄共文集凡若干卷藏於家塾歲戊
午泊庚申寢疾者三年絕粒歷四旬餘而精明不眩乃

瓊山縣志

卷十五

金石

留

屬其二子曰汝曹知溯本源乎予大父淵泉翁豁達溫
雅常以琴書自適至瓊以賈爲業有市絹遺金者旣去
候其還而返之予父純甫府君端恪謙遜與人無競鄰
有屋垣侵其址僕輩直之輒戒止曰彼所侵咫尺耳何
以較爲尤輕財好義有債負則焚券示之吾所以有今
日者祖父積德不可忘也公享年八十有二可謂以德
致壽者矣公卒於嘉靖庚申年卜塋於白水塘那壇之
原蓋鬱鬱佳城也復爲之銘曰

於維吳葉延浦發祥生此哲人毅然瓊陽吏隱南湖旣
壽而臧斧屋之封精靈永藏有穀以詒奕世其昌令名
不朽湖山蒼蒼

資善大夫總督糧儲應天巡撫致仕僉都御史晚生海瑞撰文

萬曆五年歲在辛未冬月立

海忠介石刻

今年春公當會試天下諒公以公道自持必不以私徇太嶽想太嶽亦以公道自守必不以私干公也惟公亮之豫所呂老先生 海瑞載頓首 餘慎

吾鄉忠介公剛正之氣無往不與俱此書蓋明神宗初年張居正擅權其子嗣修將就試南宮物議沸騰公以諷大學士呂調陽者太嶽則居正豫所調陽也僅五十七字耳而簡嚴審直不激不隨與顏魯公爭坐位書同

瓊山縣志

卷十五

金石

四

一忠義氣象書法亦遒健洵足追配千古公手蹟不多見余於辛未遊蘇聞得之今攜歸入石以永其傳後之覽者庶幾有所感發而興起焉嘉慶己卯夏六月莫紹惠謹記

察公此年已罷官家居都御史雒于仁等會薦公因江陵當國不願再出而猶關心國事上書呂大學士以公道取士不可徇私其剛正之氣至今猶可想見

重修瓊山學宮碑

佚

宮室一手一足之力也哉民日從事從官府造作之中傷其力不能不傷其財其害孰要於是俗有與人不睦勸人蓋屋之說受天子之民而牧之外者顧其智不倍

人若哉目謂供遊觀之夢也心謂不爲山已之財也南華之經有曰大林邱邱之善於人也亦神者不勝余意欲持上古茅茨土階之道不失赤子之心化今人心然天下事亦有必不可矣雖大舜生今之世不能已之者取譬近事以例其餘府學之爲官五瓊山三一官一舍僅有其人間世有不同之人情乎出納盈縮之權今非有司官不能官舍美不美不同未見其一人不得居止之安六訓導獨無所有祖宗九經治天下體羣臣則士之報禮重初不如此不可一日安之事二三十年人安之太守敬亭唐公蒞任之次年書院中有危閣改公館而日封鎖之何補也轉之府學後山之麓事非創新爲

之通風曰於文莊石室之中板其周圍上下尊經貯從古經史石室貯文莊公著述世史正綱學的遺稿會稿墨板猶有存焉貯其啟聖祠地址湫隘更之前右爽塏之所合訓導宇而時一新之才力不至於此創成其一其五期漸圖之堪輿家有白虎昂頭之忌復門櫺星之左見龍於東敵西方之口前南城麓坡陀草昧之象也闢而廣之城壁立而廓然文明矣士子前瞻雁塔後眺尊經風光物麗不可謂非身心性情一助也省牲置之所儲祭品別之庫有合於制先有今墜先人未有行之者今則爲之後先錯舉皆萬曆七年八月日之事其修徑栽植一瓦一木補葺罅漏蓋亦事之不可已而非

其大者不計一心在民亦嘗不一日一心在士其功如此士類感德之深向余毋吝一言紀事之盛夫今日可以茅茨土階言之乎非其時也勢有不行因之士有天下國家之志不能待舜聖人之時毋失舜聖人之心庶可小補之爾敬亭公太守當日之事愛民必其俗之改愛士必其習之正不覺聲色之峻俗士言不便矣不以今之所謂厚悅其口傷民財力悅其目乎日舉興作之中不忘與民休息之意造士之功於是尤見其大貳守賓湖楊侯別駕鶴峯黎侯以調去任刑廳大東劉侯與有贊成之力於義得書雖然古人謂文人紙費梓文曰災木今災石矣茅茨土階是亦不可以已乎并爲之記

瓊山縣志

卷十五

金石

七

崇萬曆七年郡伯唐可封重修學宮置雙龍首鑿泮池於前改建大門於左建尊經閣於明倫堂後都御史海忠介公撰記勒石記中云貳守楊侯爲繼文別駕黎侯爲九臬刑廳劉侯爲學易皆當時共事者原碑已佚憲重脩學宮敬爲刻石碑在文廟

新建府學尊經閣記

佚

學校賢士所關脩理提調之事瓊府有學其來久矣士出其間彪炳烜赫後先相望學何可議耶然革故鼎新補偏救弊則有不容不以時舉者萬曆五年秋予始蒞瓊謁學日周回四顧雁峰峙其前大海遶其後左有七星山之排空右有石山嶺之壁立誠巍然一具瞻也獨

其間啟聖祠列後非所以崇祀儒學門由右非所以從
陽廡位省牲齋厨官舍類皆缺而失次非所以盡制一
切書史率皆散漫無存間有存者又貯之無所非所以
尊經因與寅君楊繼文黎九皋周良德商榷經畫錯綜
營度詢謀僉同予復思曰瓊之財力竭矣是舉可易易
乎惟以漸圖之鳩工飭材日積月累首遷祠於西之高
阜次遷樓於祠之舊址次遷門於學之東位如廡坐如
石室如牲所如齋厨如官舍如牆屏靡不次第完繕煥
然一新是役也起於七年春成於八年秋費取諸贖民
財無需也工取諸徒民力無罷也予惟盡吾事然耳一
日教授陳天瑞等率諸生索記予曰拓地開基以振頽

者有司所以修其度筋躬勵行以完真者士子所以修
其天爾多士其亦知吾今日脩學而必以尊經名閣之
意乎閣之尊經尊以迹也士之尊經尊以心也是故繪
章繪句膚其蘊也競華爽實滅其質也交游匪類喪其
朋也奸賭是恣斲其良也希世取寵乖其用也有一於
此皆非所以尊經經不尊卽駿奔在廟亦升降之文耳
出入是門亦往來之迹耳藏脩游息亦游玩之具耳吐
藻呈葩揚名海宇亦榮身肥家之資耳何有於升堂何
有於入室何有於設學校儲養人材與今日脩理學校
之意茲因師生之請而畧具其事與心耳
賜進士出身廣東等處按察司副使海南兵備道富順

唐可封撰

萬曆八年歲在庚辰秋月之吉

三元峰碑存

案碑建始末無考唐郡伯可封脩學宮時移其碑於雁塔峰上攷雁塔峰在城南三里宋郡人姜唐佐始登第因以名之其峰僅如高陵上平坦民多種植碑高四尺每字大一尺許結體蒼勁旁無年月並書人姓名

重刻蘇東坡洞酌亭詩

篆額高五尺二寸闊二尺六寸十五行行二十四字

瓊山郡東眾泉感發然皆冽而不食丁丑歲六月軾南遷過瓊始得雙泉之甘於城之東北隅以告其人曰泉汲者常滿泉相去咫尺而異味庚辰歲六月十七日遷

瓊山縣志

卷十五

金石

巽

予合浦復過之太守承議郎公求泉上之亭與詩之曰洞酌亭詩曰酌彼兩泉挹彼注茲一瓶之中有澗有溜以瀹以烹眾噉莫齊自江徂海浩然無私豈弟君子江海是儀既味我泉亦嗜我詩

右東坡洞酌廢久矣亭名與詩與引固載之誌傳之人可考也予於公為鄉晚治瓊三年始訪故址而登焉一井尚存頗坳一井已平猶溢薄言酌之其色灑以溜其味甘以冽真海外一清泉流也遂與同寅楊黎二君相地度基構亭浚井取詩與引而勒之壁今去公無慮數百年升公之亭汲公之泉者莫不有遺澤之思嗚呼源頭活水可以觀公之醞浮光濯金可以觀公之文滂之

不濁可以觀公之節井之所繫深矣哉後之君子臨流而日新之當必同然於我者因紀其事云

賜進士第中憲大夫知瓊州府事西蜀唐可封諱識同知楊繼文通判黎九皋立石

萬曆八年歲次庚辰七月既望瓊山縣督工主簿陳表與史林汝質 府學廩膳生員口口口書

案職官表無林汝質名是當時載筆之缺碑在東坡井上面嵌壁

平冠祭文

篆額高四尺五寸濶二尺有奇十四行行三十六字

萬曆九年歲次辛巳正月庚寅朔越二十九日甲午欽差分守廣東瓊崖等處地方參將顧宗文謹以剛鬣

瓊山縣志

卷十五

金石

碑

柔毫之儀敢昭告於 敕封護國庇民英烈天妃之神

曰兩儀列位幽明有秩各執其司共効其職上帝資神式康下土往哉汝諧無負申命慙 文非劣分符縹膺不

德在朝安所逃罪蠢茲奸宄倣擾天常彼咸樂土此獨逢殃民實何辜羅此荼毒 文由祇役夙夜憂惶客歲麥

秋移檄官屬爰方啟行奮揚威武蠕蠕虎狼桓桓將士仗神篤祐刁斗不驚揚波伏莽靡有孑遺七旬而克膚

功告成億兆黎獻遐邇更生堯天舜日熙暉重瞻相爾有神幸底寧一偉展威靈上徹禹績六府脩治崇報萬

年彘彘束帛禴祭敢陳神無常遇鑒我微虔 案顧宗文職官表作安文因宗安字形近而譌當以碑

爲是

都察院右都御史海忠介公諭祭碑

萬曆十五年歲次丁亥秋八月二十五日

皇帝遣禮部左侍郎沈鯉諭祭南京都察院右都御史
贈太子少保兼吏部尚書諡忠介海瑞曰惟卿高標絕
俗直道視身視斯民由已飢寒恥其君不爲堯舜矢孤
忠而叩關抗言增日月之光出百死以登朝攬轡勵澄
清之志迨起家於再廢乃浹歲而三遷巖石具瞻卓爾
舊京之望素絲無染袞然先進之風綜銓務而議主懲
貪頷法臺而政先釐弊若金在冶百鍊彌堅俟河之清
九泉莫及特頒塋祭爰賁始終卿靈不昧其歆鑒焉

瓊山縣志

卷十五

金石

五

贈官賜諡制碑

奉天承運皇帝制曰國家於直言敢諫之忠臣畢命在
公之遺老生加晉秩歿賚榮名匪徒論爵以酬庸亦以
旌賢而化俗爾南京都察院右都御史海瑞明經奮迹
筮仕蜚聲訓士以身卓有嚴師之範保民如子居然良
吏之風雖強項不能諧時而直心終以遇合回郎闈之
入踐軫黼座之深憂慷慨片言世爭傳其諫草崎嶇百
死天亦監其精忠乃肅宗容之以勵諫臣穆考用之以
光先德旣升華於九列旋建節於三吳矢志霜清每爲
民而任怨幾先介石亦因毀而得名式厯特達之知載
應追鋒之召佐銓衡則公方之毛玠持法紀則慙直之

周昌計吏六年忘愛憎於物我清徭諸署不吐茹於剛
柔顧白駒之駕方廢而黃鳥之歌已作可無殊數用闡
幽光茲特贈爾太子少保諡忠介錫之誥命於戲紀節
三朝老成人之典型猶在易名千載清白吏之遺愛斯
長爾靈有知服之無斃

北京尚待公祭海公碑

維萬曆十五年歲次丁亥十二月乙卯朔越祭日辛巳
太子少保吏部尚書楊巍太子少保禮部尚書沈鯉戶
部尚書宋纁兵部尚書王一鶚協理京營戎政兵部尚
書傅希塾刑部尚書李世達工部尚書石星都察院右
都御史吳時來掌詹事府太子賓客禮部左侍郎兼侍

瓊山縣志

卷十五

金石

三

讀學士王宏誨太子賓客吏部左侍郎兼侍讀學士朱
廣吏部右侍郎趙煥戶部左侍郎溫純總督倉場左侍
郎胡執禮右侍郎徐顯卿兵部左侍郎楊俊民右侍郎
蕭大亨刑部右侍郎陳瓚工部左侍郎曾同亨右侍郎
李輔通政使掌司事工部右侍郎張孟男都察院左副
都御史魏時亮左僉都御史詹仰庇大理寺卿孫鑑左
通政趙世卿右通政黃堯念左參議田蕙右參議李觀
光陳大科大理寺左少卿李尚思右少卿許子良左侍
丞李棟右侍丞吳定謹以牲帛之儀致祭於
明故資善大夫南京都察院右都御史贈太子少保諡
忠介剛峯海先生之靈曰惟公廉貞之氣鍾於南方挺

生哲人直毅而剛嘉靖末年以敢諫著威觸雷霆分甘
刀鋸圍屏長繫正志從容先皇嗣服首拔獄中廷尉納
言中丞出撫窮右鋤貪士民歌舞居無幾何增口孔多
若火於冰世情則那龍潛虎伏十七八載光不終含恭
荷宸采起佐銓務進總憲章帝曰遺直鎮我南方曰予
有吏職墮於賄惟汝片玉以戢魍魎曰予有民俗以侈
移惟汝束帛以挽澆漓公介益堅千仞壁立側耳生風
豺狼屏息部都荼毒莫如火夫痛行裁革民用以蘇一
心精白報我軒堯庶幾百辟是式是標公方乞骸先後
七疏皇授慰留民望所聚天胡不憖一夢逍遙詎來自
南天子輟朝乙酉之冬丘公觀化公胡爲者相遽泉下

瓊山縣志

卷十五

金石

五

疇如二公旅室蕭條靈旆千里孰臨孰極居者持奠行
者心惻官居鼎鼐祿資羣軀公節良苦公行實端公事
已定公名已完以葬以祭贈秩予謚朝士爭請皇恩示
異余輩誼則資友景行如何生不可卽寄此挽歌尚饗
案光緒癸未年間官紳商民重修公墓補刻此祭碑

南京同官公祭海公碑

維萬曆十五年歲次丁亥孟冬丙辰朔越二十八日癸
未南京兵部尚書參贊機務陰武卿吏部尚書袁洪愈
戶部尚書王友賢禮部尚書姜寶吏部侍郎何源戶部
總督糧儲侍郎方宏靜刑部侍郎李江提督操江副部
御史玉川汲太常寺卿沈玄華應天府府尹石應岳光

卿杜友蘭國子監祭酒趙用賢太常少卿王世懋鴻臚
寺卿王鑑應天府丞許孚遠通政司參議沈節甫大理
寺丞周希且翰林院掌院事左諭德習孔教光祿寺少
卿王執禮國子監司業朱孟獻禮科給事中朱維藩兵
科給事中杜縻刑科給事中徐桓謹以牲帛庶幾之儀
奠於

明故資善大夫南京都察院右都御史剛峯海老先生
之靈曰嗚呼瓊海周環朱明南創靈秀鍾毓篤生俊彥
奮跡賢科筮仕鬻澤長揖上官抗顏師席旋膺良社兩
縉懸符桐廬赤子共飭得輔勞心撫字玉潔冰清時當
世廟大侍承明含香粉署折檻彤廷危言正諫體辱不

瓊山縣志

卷十五

金石

五

驚天威震怒如雷如霆纍繫南冠酷對獄吏身犯龍鱗
瀛展虎尾日月回光弗湛斧鑕穆宗睿聖時維顯庸置
之卿寺夙夜在公有虔秉鉞開府江左甲帳轅門威命
是荷奸蠹肅清權豪氣挫直道忤時孤忠自許未竟風
猷申道齟齬惟聖達聰搜訪老成海隅出日咨汝中丞
兩朝遺直一代忠貞其亟起用以協輿情公拜稽首犬
馬餘齡僂僂再出勉慰蒼生雲龍既逢九五利見擢貳
銓衡爰掌臺憲赤芾葱珩清霜紫電公孫布被晏子狐
裘身先樸儉力挽頽流戀車告老七疏乞休皇心柄用
溫旨慰留如何遘疾一臥不瘳嗚呼公之秉節素絲羔
羊歲寒松柏烈日秋霜公之丰儀野鶴昂藏明珠南海

翡翠越裳年老耄耄後嗣丕昌或云報德天爽其常嗚呼位祿名壽公俱克全千秋不朽含笑九原卿等陪京舊侶接羽鵷池雍門增感蒿里興悲念今追昔能不淒其嗚呼鞶輅喪車白馬素旂山川悠遠道路逶遲魂歸故里公也知之蘋蘩其薦聊以永思尚饗

南京舊治下公祭海公碑

維萬曆十五年歲次丁亥十一月丙戌朔越三日戊子舊治下晚生南京吏部尚書袁洪愈禮部尚書姜寶國子監祭酒趙用賢鴻臚寺卿王鑑太常寺少卿王世懋光祿寺少卿王執禮戶科給事中吳之鵬浙江道御史李一陽河南道御史江有源山東道御史黃正色戶部

瓊山縣志

卷十五

金石

五

福建司郎中路雲龍刑部湖廣司郎中湯聘尹廣西司郎中王鍵兵部武庫司主事王致中刑部浙江司主事沈瓚光祿寺主簿朱胤徐國子監典籍吳聘鴻臚寺鳴贊曹鯉序班李承俞應天府儒學訓導華復元謹以香帛庶饗之儀致祭於

明故南京都察院右都御史剛峯公祖海老先生之靈曰嗚呼士植高世之節而助猷顯赫一世者豈無自哉殆由嶽降星毓剛大之氣得於天者已定故隨所設施輒無不行而不爲流俗所撓奪也公崛起南海之濱鳴鐸覺校絃歌花封胥以精誠運用至以郎署上章指斥乘輿搜剔城社忠犯人主之怒奸邪破膽海內莫不震

動雖蠻夷亦且聞風而畏矣當其時公且不自知其身也而何固圉之足憂迨皇帝離明一照閱其忠而用之俾秉鉞南服推抑勢要子惠元元毋論豪右斂手而賢士大夫在部內者相戒欲成其美至於定編法輕徭役迄今利之又濬吳淞易菹泖而膏澤愈廣賑貸惠流離之民而措之衽席口碑彰彰在人磨也今上以留都根本重地起公於海濱而用之以臺憲慨然矜彫瘵之民裁革冗費非所謂國奢示儉矣乎留都屹然倚以爲重而遐方嘉賴之其內秉銓揆爲羣辟表率蓋公之精誠其得稟於造物者獨完而其設誠致行蓋直貫始終順逆幽顯而一致是以賄蹇譟而黼座格心師清操而

瓊山縣志

卷十五

金石

五

百僚勵節想風采而萬世興起卽上擬古人猶或難之詎非三代而下稱安社稷臣者此其僅觀哉嗚乎公今已矣公精誠在天地事業在朝廷聲名在宇內公論在人心而愈等忝爲蒼赤尤不能忘情也謹陳辭致奠聊慰公於幽寂嗚呼尚饗

廣東同鄉宮公祭海忠介公碑

維萬曆十五年歲次丁亥十二月乙卯朔越十一日乙丑之辰年家鄉侍眷晚門下生詹事府掌府事太子賓客禮部左侍郎兼翰林院侍讀學士王宏誨翰林院脩撰楊起元翰林院編脩舒宏志庶吉士蕭雲舉林承芳吏部稽勳司郎中黎邦琰戶部廣西司郎中周裔先戶

部湖廣司員外陳履戶部福建司主事黃守謙戶部貴州司主事洪敷誥戶部司務蔣行可禮部主客司郎中呂興周兵部武庫司主事梁雲龍工部虞衡司主事陳志頤都察院經歷姚光虞試中書舍人袁學貞行人司行人許子偉國子監博士鄧修賢國子監助教王顯先鴻臚寺序班馮師孔錦衣衛指揮陶復謹以香帛之儀寄奠於

明故南京都察院右都御史贈太子少保諡忠介剛峯海老先生之靈曰嗚呼三才參贊誰何可當賴此浩氣至大至剛上匡君德下濟羣氓危時仗節平世建明非高非深赤子木心習非徇慾競爲浮沈上帝愍世降此

瓊山縣志

卷十五

金石

五

偉人舉世望之山岳嶽岑肅皇御極偉人在職慷慨叩關孤忠鯁直不恤其身批鱗之逆萬死一生不同其德逮事莊皇亦以直方撫定南國遏惡摧強惠此禬獨黎民以康旣乃罷歸蕭然奚囊今上求舊起自巖藪邦畿千里曰善之首昇服大寮清蠹濯垢凡百有位視此黃耆聞命若驚不駕而行一麾始至萬姓歡迎貳銓總憲丰裁稜稜羣工咸畏是則是程寒暑三周屢疏乞休惟帝乃德懋哉其留天不憖遺遽卽於幽我皇震悼朝列懷憂繫公人傑剛而不折匪爲名高性之爲烈概以中庸或云未協廉頑立懦伯夷之節孰如公焉匪必其全或三或六可以爲賢致君澤民終罔後艱以之淑身身

其周德乃若公者可謂純德匪身匪家心如鐵石好那
推陷魑魅屏息如斧之嚴如繩之直匪世之人海嶽之
神世福優優不足為陳不朽者名豈必其身瞻仰昊天
上為星辰誨忝公後學景行惟恪忽聞訃音涕淚冷落
人之云亡山川慘薄思慕如何勉企先覺嗚呼尚饗
案公祭文公祭私祭有十餘篇載榮哀錄者尚有遺漏
重修墓時刻此四碑舉其大者用垂不朽蓋公不藉祭
文為重然即此可見公之存亡天下人心安危所係萬
家編素百里泣奠豈非當代所罕見哉

瓊州府儒學正樂碑記

篆額高六尺闊二尺六寸二十五
行每行五十六字

天地間孰非一氣之流行哉秩倣斯斯之謂禮節宣斯

瓊山縣志

卷十五

金石

五

斯之謂樂其端著於品彙萬化其用瀆於物則民彝其
發揚宣暢則始於天子之郊廟夫子之宮牆渾渾乎一
氣之流行耳古昔聖神咸熙時敘以擊以拊而究極於
神人和百獸率舞蓋自有神其機而協於極者豈真人
物有不能知即堯舜后夔亦與化俱忘故曰聖人在上
而鳳皇儀志壹之動氣也不然氣應灰飛何取於葭莖
之杪而聖神之制作亦粗述已即我太祖高皇帝制定
九奏樂章念君師並重旋隆文廟儀節自郊畿而達之
荒甸自宮牆禮教之地而推之里巷閭閻家禮樂而戶
絃歌甚感心也今聖天子在上調攝元氣浹洽宮闈宣
鬯百物先成民而致力於神勒之太常播之郊社者肅

然融然溥海內外周靡熙洽卽海濱鄒魯如瓊島者聲教亦暨訖而一時幹旋氣化人事有如宗師鳳坡易公樂育士類興禮作樂端士習以正人心如莪斯菁如茅斯彙乃郡伯任白周公貳郡望峰董公司理懷松黃公力能承奉德音一切廟宇祭器概夫課士章程煥然維新犂然整飭而董公督責料理居多咸能體協宗師至意故憫廟樂殘廢或無以妥聖靈而樞風化因於均田救荒之後陽谷回春乃命生員游廷春樂正吳琪等授之音律節奏舛者正之訛者訂之缺者補之且曰生等所習者聲耳器耳非所以器也聲也其尚和吾之氣以孚聖神之氣而因以鼓動民物節宣天地之氣如夫子語

瓊山縣志

卷十五

金石

五

魯太師者乎予日望之美哉洋洋乎大國之風不必起后夔於往疇而截雌雄於嶰谷也則嘗聞鄒魯兩生之言曰禮樂積德百年而後興殆不知有所以發端者有所以漸漬者謂成於百年則可謂興於百年非也諸子必無兩生之固矣且樂正於柔而濟之和師曠歌南風而昔人以爲得中聲瓊固南方風氣柔勝爲弱者由柔而歸之和特一運旋力耳矧名公鉅儒振揚於上諸生輩殫竭心力奉行惟謹於下愚輒每與廟祭耳目其聲容度數宛若見聖靈於在位而沐盛世之全音也漸漬之厚風穆然易安知百年之久無師曠其人歌中聲協中氣而馴致於和神人舞百獸之盛哉易公諱可久宜春

人周公諱希賢莆田人黃公諱志毅顛榆人黃公諱履
初晉江人敬書之以爲記

萬曆十五年歲在丁亥仲春之吉

賜進士第視吏部政瓊山梁必強彙可甫撰文

壬午鄉進士樊子遷書丹篆額

瓊山縣知縣吳邦俊臨桂人 瓊州府儒學教授蕭端

昇潮陽人訓導吳良弼杜文秀戴應良黃鋹生員游廷

春樂正吳琪刻石

樂生吳光禎王民皞羅□□章道振張瓊黃見龍吳振

纓王宗予湯紹學吳洪遠李懋成王□□王梅王□□

吳啟聰□雲□劉瑜□□美姚繼虞吳愈□劉□□□

瓊山縣志

卷十五

金石

卒

□□周朝俊王有執陳紹虞陳廷瑞周紹道周□□李
希曾□□□胡家寶朱□□王成□秉忠梁賢相陳大
章葉志高譚□□陳諭盧□□謝士強劉廷梅陳右王
用服陳如璧梁□□陳熙中鍾應科陳天□□□符
世爵□執□李繩秀張乃□李日□潘春楊□□黃誠
周忠聲林選孫文俊海口陳可舉吳遂詹古□邢□□
王□□陳裕

案樂生六十八人考明史禮志祀先聖舞用六佾每佾
六人六佾三十六人餘三十二人分司樂器舊志不載
司樂舞人數得此猶可考見先代之遺
又案大清會典先師廟用文舞六佾其人數與明史同

而司樂諸生金鐃鐘一編鐘十有六在東玉特磬一編
磬十有六在西皆懸以虞業東應鼓一祝一麾一西敵
一東西分列琴六瑟四簫六篴六篪四排簫二塤二笙
六搏拊二旌二共四十八人其制視明夏詳